

鲁越 王晓东 主编

中小学生精读

唐诗

韩愈
卷一

中国人民公安大学出版社

目 录

南山诗	(1)
谢自然诗	(6)
秋怀诗十一首	(8)
赴江陵途中，寄赠王二十补阙	(12)
暮行河堤上	(15)
夜歌	(16)
重云李观疾赠之	(16)
江汉答孟郊	(17)
长安交游者赠孟郊	(17)
岐山下二首	(18)
北极赠李观	(18)
此日足可惜，赠张籍	(19)
君子法天运	(23)
落叶送陈羽	(23)
归彭城	(24)
醉后	(25)

醉贈張秘書	(25)
同冠峽	(26)
送惠師	(27)
送靈師	(29)
縣齋有懷	(31)
合江亭	(33)
陪杜侍御游湘西兩寺獨宿有題一首	(35)
岳陽樓別竇司直	(36)
送文暢師北游	(38)
答張徹	(40)
荐士	(42)
喜侯喜至贈張籍張徹	(45)
古風	(46)
駑驥	(47)
馬灰谷	(48)
出門	(48)
嗟哉董生行	(49)
烽火	(50)
汴州亂二首	(50)
利劍	(51)
齷齪	(51)
河之水二首寄子侄老成	(52)
山石	(53)
天星送楊凝郎中賀正	(54)

汴泗交流赠张仆射	(54)
忽忽	(55)
鸣雁	(55)
龙移	(56)
雉带箭	(56)
条山苍	(57)
赠郑兵曹	(57)
桃源图	(58)
东方半明	(59)
赠唐衢	(59)
贞女峡	(60)
赠侯喜	(60)
古意	(61)
八月十五夜赠张功曹	(62)
谒衡岳庙遂宿岳寺题门楼	(63)
岫嵎山	(64)
洞庭湖阻风赠张十一署	(64)
李花赠张十一署	(65)
杏花	(66)
感春四首	(66)
寒食日出游	(68)
忆昨行和张十一	(69)
刘生诗	(70)
郑群赠簟	(71)

丰陵行	(72)
游青龙寺赠崔大补阙	(73)
赠崔立之评事	(74)
送区弘南归	(75)
三星行	(77)
剥啄行	(77)
青青水中蒲三首	(78)
孟东野失子	(79)
县斋读书	(80)
新竹	(81)
晚菊	(82)
落齿	(82)
哭杨兵部凝陆歙州参	(83)

韩 愈

韩愈，字退之，南阳人。少孤，刻苦为学，尽通六经百家。贞元八年，擢进士第，才高，又好直言，累被黜贬。初为监察御史，上疏极论时事，贬阳山令。元和中，再为博士，改比部郎中、史馆修撰，转考功、知制诰，进中书舍人，又改庶子。裴度讨淮西，请为行军司马，以功迁刑部侍郎。谏迎佛骨，谪刺史潮州，移袁州。穆宗即位，召拜国子祭酒、兵部侍郎。使王廷凑归，转吏部，为时宰所构，罢为兵部侍郎，寻复吏部。卒，赠礼部尚书，谥曰文。愈自比孟轲，辟佛老异端，骂旧恤孤，好诱进后学，以之成名者甚众。文自魏晋来。拘偶对体日衰，至愈，一返之古。而为诗豪放，不避粗险，格之变亦自愈始焉。

南 山 诗

吾闻京城南，兹惟群山囿。
东西两际海，巨细难悉究。
山经及地志，茫昧非受授。
团辞试提挈，挂一念万漏。
欲休谅不能，粗叙所经觐。
尝升崇丘望，戢戢见相凑。
晴明出棱角，缕脉碎分绣。

蒸嵐相鴻胡孔切洞，表里忽通透。

无风自飘簸，融液煦柔茂。

横云时平凝，点点露数岫。

天空浮修眉，浓绿画新就。

孤撑有巉绝，海浴褰鹏噉音昼。

以上叙南山大概。

春阳潜沮洳，濯濯吐深秀。

岩峦虽嵒峩，软弱类含酎音宙。

夏炎百木盛，荫郁增埋覆。

神灵日歆音柯歆。云气争结构。

秋霜喜刻轂，磔卓立癯瘦。

参差相叠重，刚耿陵一作凌宇宙。

冬行虽幽墨，冰雪工琢镂。

新曦照危峨，亿丈恒高袤。

明昏无停态，顷刻异状候。

已上叙四时变态。

西南雄太白，突起莫间簠。

藩都配德运，分宅占丁戊音茂。

逍遥越坤位，诋讦陷乾窞。

空虚寒兢兢，风气较搜漱。

朱维方烧日，阴霰纵腾糅。

昆明大池北，去觊偶晴昼。

绵联穷俯视，倒侧困清沬。

微澜动水面，踊跃躁猱玃。

惊呼惜破碎，仰喜呀不仆。

已上言南方隅连亘之所。

前寻径杜墅，岔蔽毕原陋。

崎岖上轩昂，始得观览富。

行行将遂穷，岭陆烦互走。

勃然思坼裂，拥掩难恕宥。

巨灵与夸蛾，远贾期必售。

还疑造物意，固护蓄精祐。

力虽能排斡，雷电怯呵诟。

攀缘脱手足，蹭蹬抵积甃。

茫如试矫首，堦塞生恟_{音寇}愁_{音茂}威。

容丧萧爽，近新迷远旧。

拘官计日月，欲进不可又。

因缘窥其湫_{南山有炭谷湫}，凝湛_{音湛}阒阴兽。

音嗅，或作兽。礼运，龙以为兽，谓湫中蛟也。

鱼虾可俯掇，神物安敢寇。

林柯有脱叶，欲堕鸟惊救。

其湫叶落，恐污水，鸟即衔去，盖其神物之灵如此。

争衔弯环飞，投弃急哺鷇。

旋归道回睨，达枿壮复奏。

吁嗟信奇怪，峙质能化贸。

前年遭谴滴，探历得邂逅。

初从蓝田入，顾盼劳颈脰。

时天晦大雪，泪目苦矐_{音茂}瞽。

峻塗拖長冰，直上若懸溜。
 褰衣步推馬，顛蹶退且復。
 蒼黃忘遐睎，所矚才左右。
 杉篁咤蒲蘇，呆耀攢介冑。
 專心憶平道，脫險逾避臭。
 昨來逢清霁，宿愿忻始副。
 崢嶸躋冢頂，倏閃雜鼯鼯。
 前低划開闊，爛漫堆眾皺。

言豁然見前山之低，雖有高陵深谷，
 但如皺物，微有蹙折之文耳。

或連若相從，或蹙若相斗。
 或妥若弭伏，或竦若驚雉。
 或散若瓦解，或赴若輻湊。
 或翩若船游，或決若馬驟。
 或背若相惡，或向若相佑。
 或亂若抽笋，或嶮若注一作柱灸。
 或錯若繪畫，或繚若篆籀。
 或羅若星離，或蕪若云逗。
 或浮若波濤，或碎若鋤耨。
 或如賁育倫秦勇士，賭勝勇前購。
 先強勢已出，後鈍嗔逗音斗 濡音耨，
 不能言也。
 或如帝王尊，叢集朝賤幼。
 雖親不褻狎，雖遠不悖謬。

或如临食案，肴核纷钉铨。
又如游九原，坟墓包槨柩。
或累若盆罍，或揭若瓿同登豆一作甗。
或覆若曝鳖，或颓若寝兽。
或蜿若藏龙，或翼若搏鹭。
或齐若友朋，或随若先后。
或进若流落，或顾若宿留。
或戾若仇讎，或密若婚媾。
或俨若峨冠，或翻若舞袖。
或屹若战阵，或围若搜狩。
或靡然东注，或偃然北首。
或如火熺焰，或若气馈音分馏音溜，蒸饭也。
或行而不辍，或遗而不收。
或斜而不倚，或弛而不彀。
或赤若秃鬣丘闲切，或燠若柴槱。
或如龟拆兆，或若卦分繇。
或前横若剥，或后断若姤。
延延离又属，夬夬叛还遘。
喁喁鱼闯萍，落落月经宿。
闾闾树墙垣，嘼嘼驾库厩。
参参削剑戟，焕焕衔莹琇。
敷敷花披萼，阊阊屋摧雷。
悠悠舒而安，兀兀狂以狃。
超超出犹奔，蠢蠢骇不懋。

大哉立天地，經紀肖營腴。
 厥初孰開張，僊俛誰勸侑。
 創茲朴而巧，戮力忍勞疚。
 得非施斧斤，無乃假詛咒。
 鴻荒竟無傳，功大莫酬儔。
 嘗聞于祠官，芬苾降歆嗅。宋刻作饒。
 裴然作歌詩，惟用贊報酬。

謝自然詩

果州謝真人上升在
 金泉山，貞元十年十一月十二日
 白昼輕舉，郡守李堅以聞，有詔褒諭。

果州南充縣，寒女謝自然。
 童騃無所識，但聞有神仙。
 輕生學其術，乃在金泉山。
 繁華榮慕絕，父母慈愛捐。
 凝心感魑魅，慌惚難具言。
 一朝坐空室，雲霧生其間。
 如聆笙竽韻，來自冥冥天。
 白日變幽晦，蕭蕭風景寒。
 檐楹暫一作氣明滅，五色光屬聯。
 觀者徒傾駭，踴躍詎敢前。
 須臾自輕舉，飄若風中煙。

茫茫入纆大，影响无由缘。
里胥上其事，郡守惊且叹。
驱车领官吏，氓俗争相先。
入门无所见，冠履同蛻蝉。
皆云神仙事，灼灼信可传。
余闻古夏后，象物知神奸。
山林民可入，魍魉莫逢旃。
逶迤不复振，后世恣欺漫。
幽明纷杂乱，人鬼更相残。
秦皇虽笃好，汉武洪其源。
自从二主来，此祸竟连连。
木石生怪变，狐狸骋妖患。
莫能尽性命，安得更长延。
人生处万类，知识最为贤。
奈何不自信，反欲从物迁。
往者不可悔，孤魂抱深冤。
来者犹可诫，余言岂空文。
人生有常理，男女各有伦。
寒衣及饥食，在纺绩耕耘。
下以保子孙，上以奉君亲。
苟异于此道，皆为弃其身。
噫乎彼寒女，永托异物群。
感伤遂成诗，昧者宜书绅。

秋懷詩十一首

窗前兩好樹，眾葉光蕤蕤音擬。
秋風一拂披，策策鳴不已。
微燈照空床，夜半偏入耳。
愁憂無端來，感嘆成坐起。
天明視顏色，與故不相似。
羲和驅日月，疾急不可恃。
浮生雖多塗，趨死惟一軌。
胡為浪自苦，得酒且歡喜。

白露下百草，蕭蘭共雕悴。
青青四牆下，已復生滿地。
寒蟬暫寂寞，蟋蟀鳴自恣。
運行無窮期，稟受氣苦異。
適時各得所，松柏不必貴。

彼時何卒卒，我志何曼曼音萬。
犀首空好飲，廉頗尚能飯。
學堂日無事，驅馬適所願。

茫茫出门路，欲去聊自劝。一作叹。
归还阅书史，文字浩千万。
陈迹竟谁寻，贱嗜非贵献。
丈夫意有在，一作存，女子乃多怨。

秋气日恻恻，秋空日凌凌。
上无枝上蜩，下无盘中蝇。
岂不感时节，耳目去所憎。
清晓卷书坐，南山见高棱。
其下澄湫水，有蛟寒可罾。
惜哉不得往，岂谓吾无能。
离离挂空悲，戚戚抱虚警。
露泫秋树高，虫吊寒夜永。
敛退就新懦，趋营悼前猛。
归愚识夷涂，汲古得修绠。
名浮犹有耻，味薄真自幸。
庶几遗悔尤，即此是幽屏。

今晨不成起，端坐尽日景。
虫鸣室幽幽，月吐窗罔罔。
丧怀若迷方，浮念剧含梗。
尘埃慵伺候，文字浪驰骋。
尚须勉其顽，王事有朝请。

秋夜不可晨，秋日苦易暗。
我無汲汲志，何以有此憾。
寒鷄空在栖，缺月煩屢瞰。
有琴具徽弦，再鼓聽愈淡。
古聲久埋滅，無由見真濫。
低心逐時趨，若勉只能暫。
有如乘風船，一縱不可纜。
不如覩文字，丹鉛事點勘。
豈必求贏餘。所要石與甌都濫切。

卷卷落地葉，隨風走前軒。
鳴聲若有意，顛倒相追奔。
空堂黃昏暮，我坐默不言。
童子自外至，吹燈當我前。
問我我不應，饋我我不餐。
退坐西壁下，讀詩盡數編。
作者非今士，相去時已千。
其言有感触，使我復淒酸。
顧謂汝童子，置書且安眠。
丈夫屬有念，事業無窮年。

霜風侵梧桐，眾葉著樹乾。
空階一片下，琤若摧琅玕。
謂是夜氣滅，望舒實其團。

青冥无依倚，飞辙危难安。
惊起出户视，倚楹久汎澜。
忧愁费晷景，日月如跳丸。
迷复不计远，为君驻尘鞍。

暮暗来客去，群器各收声。
悠悠偃宵寂，蠢蠢抱秋明。
世累忽进虑，外忧遂侵诚。
强怀张不满，弱念缺已盈。
诘屈避语阱，冥茫触心兵。
败虞千金弃，得比寸草荣。
知耻足为勇，晏然谁汝令。
鲜鲜霜中菊，既晚何用好。
扬扬弄芳蝶，尔生还不早。
运穷两值遇，婉娈死相保。
西风蛰龙蛇，众木日凋槁。
由来命分尔，泯灭岂足道。

赴江陵途中，寄贈王二十補
闕、李十一拾遺、李二十六
員外翰林三學士

德宗貞元二

十年移江陵法曹參軍。未几以四門博士召。

三學士王涯、李建、李程也。

孤臣昔放逐，血泣追愆尤。
汗漫不省識，恍如乘桴浮。
或自疑上疏，上疏豈其由。
是年京師旱，田畝少所收。
上憐民無食，征賦半已休。
有司恤經費，未免煩征求。
富者既云急，貧者固已流。
傳聞閭里間，赤子棄渠溝。
持男易斗粟，掉臂莫肯酬。
我時出衢路，餓者何其稠。
親逢道邊死，伫立久啜咻。
歸舍不能食，有如魚中鉤。
適會除御史，誠當得言秋。